

nisi quòd per *cingulum laneum* ab eis aliquid discriminis habent. *Græci* similiter *Christiani* sunt, sed schismatici, & à Romanæ ecclesiæ obedientia alieni: sunt & aliis multis implicati erroribus, faxit Deus, ne & Latinis multæ irrepserint stultitiæ. Apud Græcos omnes ferè Prælati sunt *Monachi*, magnæque abstinentiæ, & habentur à plebeis hominibus in magna reverentia & honore. Sunt quoque in hac Terra *Armeni*, *Georgiani*, *Nestoriani*, *Nubeani*, *Jabeani*, *Chaldei*, *Maronitæ*, *Æthiopes*, *Ægyptii*, & multæ aliæ gentes, quæ quidem omnes confitentur *Christum*, & habent suos Patriarchas. Quidam sunt *Heretici*, & à suo hæresiarcha nomen sunt fortiti, ut sunt *Nestoriani*, *Jacobitæ* & similes. Sunt tamen multi in his sectis admodum simplices, nescientes quicquam de hæresibus: Christo devoti, carnem jejuniis macerantes, atque simplicissimis vestibus induti, ut etiam longè superent religiosos Romanæ ecclesiæ. *Nubeani* & *Jabeani* dicunt se scire, majores suos fidem suscepisse à Sancto Matthæo, ab eoque baptizatos & baptismi modum ab illo recepisse, quem hodiè inviolabiliter servare contendunt, innitentes huic authoritati, Matth. III. II. *Ipsè vos baptizabit in Spiritu Sancto & igne*. Nam quum baptizantur, cum calido ferro crucem inurunt faciei & alteri corporis parti. Et hi devotiores inter Orientales habentur. Est & gens *Madianitarum*, qui nunc *Beduini* atque *Turoniani* dicuntur, qui magnam partem Terræ Sanctæ impleverunt: & hi tantum operam dant alendis pecoribus & camelis, quibus supra modum abundant, Certam mansionem non habent, sed ubi bona invenerint pascua, ibi cum tabernaculis suis tantisper subsistunt, donec, herbis depastis, alium locum pro gregibus quærere cogantur. Sunt homines pugnacissimi, & repleverunt ferè totam Syriam: potissimum occuparunt ripas Jordanis à Libano usque ad desertum Pharan, quum montes, qui ultra Jordanem sunt, optima suppeditent pabula ovibus, capris, & reliquis jumentis. Habent arietes & verveces tam crassos & pingues, ut una cauda pro tribus aut quatuor hominibus sufficiat ad esum. *Nestoriani* habitant circa Berut & Biblium, in planitie Libani contra Ituræam: *Maronitæ* verò occuparunt regionem, quæ est circa fontem hortorum, à Libano descendentem contra Tripolim, dicunturque habere quadraginta millia pugnatorum. Porro circa castrum Arachas post Tripolim habitant *Saraceni*, qui *Vanni* dicuntur. His sociantur *Saraceni*, quos *Assinos* vocant, habitantes in montanis utque ad castrum Antaradum, plurima habentes castra & oppida, atque fertilissimam occupantes terram. Hi de Perfide dicuntur duxisse originem, & in tantum numero sunt aucti, ut & ipsi quadraginta millia armatorum asserantur posse producere. Voluerunt ante paucos annos sese Romanæ subicere obedientiæ, sed per *Templarios* impediti à suo resilierunt proposito. Hos *Assinos* nullus hætenus Sultanus potuit in ordinem redigere, sed ipsi sibi leges & jura condunt, utentes illis ut libet: suntque omnibus adjacentibus nationibus formidini ob suam feritatem. Et quum hic Orientales attigerim nationes, non inutile visum fuit de iis ampliorem facere mentionem: quandoquidem hodiè multi sunt, qui quum nihil sciant, scire omnia velint, asserentes nullos in his maximis regionibus usque ad Indiam inveniri Christianos, sed perfidum Mahometem omnia loca conspurcasse. Id quod verum non est, sed ubique Christus in mundo suos habet cultores, præterquam in Arabia & Ægypto, ubi rari inveniuntur Christiani, sed omnes ferè nomen dederunt Mahometi. Id quidem verum est, omnes Christianos transmarinos, puta *Armenos*, *Cappadoces*, *Græcos*, *Chaldaeos*, *Medos*, *Parthos*, *Indos*, *Nubeanos*, *Jabeanos*, *Assinos*, *Georgianos*, & reliquos Orientales populos, non esse homines bello assuetos: sed quum à *Saracenis*, *Turcis*, aut *Tartaris* bello petuntur, illis tributarii fiunt, atque omne permittunt Dominium: exactores ferentes, modo pacem & concordiam, quantum ex se est, conservent: & hinc fit ut regiones illæ, quas Christiani inhabitant, *Saracenorum* esse putentur, atque perfidiæ illorum subjacere: quum tamen ibi ferè omnes sint *Christiani*, id quod ego expertus sum in *Cilicia* & *Armenia Minori*, quæ parent *Tartarorum* principi: & tamen sunt *meri Christiani*, qui eas inhabitant regiones, ecclesias frequentantes, missas audientes, genua flectentes, atque devotè orantes: religiosi etiam personis magnum exhibentes honorem, id quod in

Græci.

Nubeani
Jabeani.Beduini
& Turoniani.Nestoriani.
Maronitæ.Saraceni
Assini.Christi
cultus ubique.